

KASERNA

Kaserna 2020an Bizkaian sortutako taldea da. Talde berria bai, baina ez hutsetik hasten dena, errautsetatik baizik. Mr Pongo proiektuaren errautsetatik, hain zuzen.

Mr Pongo taldeak izandako taldekideen aldaketa eta berritzearekin, garapen musikal eta liriko nabaria izan da. Soinu rockeroagoa, reggae, funk edo elektronikaren eragina oztondu gabe, eta ahotsetan, hip hopa nagusi delarik. Hauek izan dira proiektu honen sorrera hauspotu duten arrazoi nagusiak. Beraz, Kasernaren proposamenen fusio dantzagarri eta energikoa topatuko dugu, letra kritiko eta aldarrikatzaileekin jantzirik. Estatu Batuen inperialismoa edota komunikabide nagusiei zein indar polizialei kritika dira jorratutako gaietako batzuk. Badituzte ere lagunarteko giroa edota musikari izateak dakartzan sentsazioak adierazten ditzuten kantuak ere.

Kasernak zuzeneko txukuna eta landua dauka oholtza gainean, grina eta indarra isladatuz momentu oro. Nagusiki euskeraz eta gaztelerez garatutako hitzetan erreferentzia historiko eta kulturalak nabarmenak dira, sakontasuna inprimatuz kontatutakoan. Alemanieraz "Kaserne", "Caserna" gaztelerez, frantsesez "Caserne"... Euskarazko Kaserna hitzak europako beste hizkuntzekin sustrai etimologikoa gorde eta esanahi bikoitza dauka, kuartela edo guardetxea alde batetik, baina baita etxola edo borda, bestetik. Eta horra taldeak proposatzen duen lehen hausnarketa, izan ere, berba bakarrak esanahi kontraesankorrak ditu: alde batetik errepresioa, isolamendua, biolentzia... besteik maitasuna, babesa, komunitatea... Azken finean, nabaria da gure baitan etengabeko borrokan dirauten kontzeptuak direla. Euren arteko balantze armonikoak erronka amaigabea suposatzen du.



"GELDITU DA DENBORA" (TPK066)

Gelditu Da Denbora Kasernak 2021ean aurkeztu duen bere lehen erreferentzia da. Azken urteetan kanta berriak sortzen ibili ondoren, 2020 urte amaieran diska grabatu eta orain bizkaitar hauen proiektu eta lan berria aurkezteko unea heldu da.

Ohiko rock formazioarekin batera (bateria, gitarra ta baxua), saxoaren melodiak, DJ skratxak, sintetizadoreak eta ahots rapeatu zein melodikoak nahasten dira Gelditu Da Denbora lanean. Rock eta hip hopa oinarri hartuta, estilo desberdinak agertzen dira kantuetan, reggae, funk edo elektronikaren pintzelada batzuk, esaterako. Testuetan gai desberdinak jorratzen dira taldekideen kezka eta sentipenak adieraziz; batzutan gai politiko eta sozialen gaineko salaketa eta aldarrikapenak eginez, eta bestetan, bizipoza ematen dieten esperientziak goraipatuz. Nagusiki euskaraz eta gaztelerez abestu arren, testuetan alemana eta ingelesezko lerroak ere topatuko dituzue, kolore eta ñabardura asko dituen lan baten aurrean gauden seinale.

Zortzi kantuz osatzen da albuma, Fruizeko Gauda Estudioan grabatu, nahastu eta masterizatutakoa 2020ko abendua eta 2021eko otsaila bitartean. Aitor Abio ekoizle lanetan eta berarekin batera, Asier Zubelzu, Iker Aginaga eta Guille Peña estudioko grabazio eta masterizazioaz arduratu dira. Diskaren diseinua Mirene Gonzálezen esku egon da eta diskarekin batera argitaratutakodiren bideo musikalak Kostako Vibes / Tiro Pun Ekoizpenak lagunekin egin dute. Emaizta borobil hau talde honen lan handiaren ondorioa izan da.

Proposamen desberdina da, oso landua detaile guztietan, konposizio unetik hasita, grabaketa eta nahasketatik pasatu eta emaitza aurkezteko momenturaino.



Kaleratze data: 2021eko martxoak 17

Erreferentzia: TPK066

Estiloa: Rock / Hip Hop

Abesti zerrenda:

01. Teloia bestaldean
02. Irailak 11
03. Esna
04. Itsu eta gor
05. Don't stop
06. Abya Yala
07. Rausch
08. Times square

Hizkuntza:

Euskara eta gaztelera

Taldekideak:

Arana: gitarra
Beñat: teklatura
Bittor: bateria
Efe: saxoa
Kimosoundz: DJ
Markel: ahotsa
Urtzi: baxua

Kolaborazioak:

Mirene González, ahotsak
"Itsu eta gor" eta "Rausch" abestietan.
Iker Aginaga, ahotsak
"Esna" abestian.

Grabazioa:

Estudioa: Gauda estudioa, .
Ekoizpena: Aitor Abio eta
Kaserna
Grabaketa, nahasketa eta
masterizazioa: Aitor Abio,
Jon Asier Zubelzu eta
Guille Peña.

Diseinua: Mirene González

Kontratazioa:

info@taupaka.eus
(0034) 688 840 713

TAUPAKA ELKARTEA